


**DE OSTRACO QUOD REVALIAE  
IN MUSEO PROVINCIALI SERVATUR**

SCRIPSIT

**C. VILHELMSON**

---



TARTU 1926

# **DE OSTRACO QUOD REVALIAE IN MUSEO PROVINCIALI SERVATUR**

**SCRIPSIT**


**C. VILHELMSON**

---

**TARTU 1926**

*Acta et Commentationes Universitatis Tartuensis (Dorpatensis) B IX.6*

*Est. A*



25399

Druck von C. Mattiesen, Dorpat.

Ostracon, quod hic primum editur, anno 1891 in insula Elephantine sub lapide quodam in lucem protractum, a Petro Zoegi v. Manteuffel anno 1907 museo provinciali Revalensi donatum est, ubi nunc asservatur. Exhibit duas epochas, quarum altera conscripta est anno imperatoris Traiani 15, p. Chr. n. 113 ad Biennium lintearium, cui exactoris scriba pecuniam pro chironaxio, i. e. tributo annuo opificum, acceptam testatur. In altera, manu diversa ad Polmum quendam conscripta, nulla mentio fit rei, pro qua pecunia solvit, ac ne dies quidem epochae adscriptus est. Praeter id, quod hic prodit, atque unum a Wilcken in libro, qui „Griechische Ostraka“ inscribitur, editum<sup>1)</sup> nullum adhuc ostracon inventum esse videtur, cuius superficies adversa duas epochas contineat. Pars autem ostraci aversa, vasis interior, aequis spatiis intermissos sulcos exhibit neque idcirco ad inscribendum litteris idonea erat.

Quae in ostraco leguntur, haec sunt:

Διέγ(ραψεν) Βιηγχις Ἰεμούθον μη(τρόδος)  
Τελαῦρεως χειρω(ναξίου) λι(νύφων) βυσ(σονηγῶν) Ἐλεφ(αντίνης) ιδ\  
ἀργ(υρίου) δραχ(μάς) δώδεκα |} ιβ. Διὰ Λεόνον (sic)  
γραμμα(τέως) ↗ ει Τραιανοῦ Καισαρος  
τοῦ κυρίου Φαῶ(φι) ηα

Manu altera :

Πόλμιος Καλὸς Πασήμεως δι(ὰ)  
Παχομπορτέμωνος γραμμα(τέως)  
δραχ(μάς) δάδωκα (sic) ||} ιβ.

#### Versio.

Solvit Biennis Jemuthae f. matris Telayris chironaxii qui byssina conficiunt linteariorum Elephantinae anni XIV drachmas argenti duodecim. Per scribam Leonem anno XV domini Caesaris Traiani, Phaophi d. XXI.

1) Wilcken, Gr. Ostr. nr. nr. 630. 886.

evanuerint fere. Tamen, si accuratius locum inspexeris, βνσ litteras invenies. Supplementum praebet papyrus Tebtuensis nr. 5, ubi passim una cum linteariis βνσσονργοι commemorantur. Cum inter ostraci voces λινάρων et βνσσονργῶν nullum particulæ coniunctivæ exstet vestigium, concludendum est non duo diversa sed unum tantum hoc loco commemorari artificium vocemque βνσσονργῶν priori additum esse ad id genus artis linteariae significandum, quod Bienchis noster profitetur. Hac interpretatione admissa non iam dubitari potest, quin byssus nihil aliud sit nisi genus quoddam linteorum, id quod inter plerosque viros doctos constat, a nonnullis tamen nondum pro certo habetur<sup>1)</sup>.

Tributum Bienchi impositum, duodecim drachmas dico, idem esse videtur, quod ab omnibus linteariis quotannis pendebatur. Nam ille quoque lintearius, qui in ostraco supra allato commemoratur, pro anno p. Chr. n. 71 duodecim drachmarum tributum solvit, satis autem papyrorum et ostracorum testimonio patefactum est eandem artem profitentes eandem pecuniam pensitasse. Est enim chironaxium tributum opificibus pro licentia artis exercendae impositum, nulla quaestus ratione habita<sup>2)</sup>.

De scribis, qui, ut noster, exactoris munere funguntur suoque nomine pecuniam acceptam testantur, cf. Wilcken l. c. p. 618. Scribae nomen mirum in modum per casum genetivum in Λεόνον figuram exit, nisi forte nominativum nescio quod inauditum Λέονος ponendum putas. Eiusmodi nominum usitatorum metaplasmi exempla, quantum scio, in papyris et ostracis inveniri non solent<sup>3)</sup>.

Duodecim drachmas, quae in altera apacha, priori subscripta, leguntur, tributum aliquod esse scribae commemoratione verisimile fit.

*Πολμίον* et *Παχομποητέμωνος* nomina nusquam alibi reperiuntur. Alterum haud scio an pro *Πόλλιος* aut *Πολέμιος* vitiose scriptum sit, alteri simile est *Παχομποήτις*, quod exstat in ostraco Berolinensi a. P. Viereck nuper edito<sup>4)</sup>.

1) cf. Olck s. v. byssus in Pauly-Wissowa, Realencykl.

2) Wilcken, l. c. I p. 321 sequ., Grundzüge u. Chrestom. d. Papyruskunde I, p. 188.


3) cf. quae E. Mayser, Grammat. d. griech. Papyri aus d. Ptolemäerzeit p. 285 affert exempla.

4) P. Viereck, Ostraka aus Brüssel u. Berlin nr. 35.

Polmios Calos Pasemis f. per scribam Pachompretemonem drachmas duodecim.

Cum propter brevitatem in ostracis adhuc editis apochas inferiori affines non facile invenias, superior conscripta est ad apocharum exemplum illa aetate in insula Elephantine usitatum<sup>1)</sup>.

Quae in linea prima verbum διέγραψεν per compendium scriptum sequuntur nomina in papyris et ostracis passim inveniuntur praeter adhuc inauditum Telayris. Tesayris et Teseyris



quidem, per σ scripta, haud raro occurrunt neque tamen dubitari potest, quin hoc loco nomen per λ scriptum exstet, longe enim alio ductu ac λ in ostraco σ exaratur.

Ex ostracis affinibus appetat litteras, quae post vocem χειρογραφίον leguntur, artificium significare, cui tributum impositum erat. λ litteras superducta linea transversa initium esse vocis λινόφων per compendium scriptae et ex ostraco nr. 23 a Wilcken edito<sup>2)</sup> et ipso contextu luculenter patet. Sequentia difficilia sunt lectu, nam atramentum hoc loco dilutum est, ut litterae

1) Wilcken, I. c. I. p. 120, 3ab.

2) Wilcken I. c. II p. 7.

*δόδωνα* pro *δώδενα* in linea infima per litterarum attractionem vel assimilationem scriptum est, cuius in papyris nonnusquam inveniuntur exempla<sup>1)</sup>.

1) cf. *ἐπιτόδονα*, *ἀπετώδονα* pro *ἐπιδέδωνα*, *ἀποδέδωνα* in pap. Lond. I p. 38, 2 et 41, 100, quae affert Mayser l. c. p. 149.